

temporalium, non prius manum ad decisionem Cause admouebūt, quam Rotæ fideliter, & adamussim statum Cause, & processus cum eorum voto retulerint, ac responsum decisivum habuerint; quod ad vnguem seruari, & exequi teneantur.

Ad superscriptum Cap. ad verba illa, & tribus curijs, declaratio.

DEclaramus illos tantum delictorum processus ad Prætorum Genuæ remittendos esse, pro quibus pæna corporalis, videlicet vltimi supplicij torturæ, siue mutilationis membrorum imponenda foret, minorum namque elictorum processus in suo solito & consueto relaxauimus.

¶ supra Cap. 1.

Cap. V. De officio, & salario fiscalis.

ASsistat Rotæ Criminali fiscalis vnus Iureconsultus, quem & exterum & versatum in causis criminalibus esse decet, & nulli Ciui Genuensi affinitate coniunctum; vt libere & sincerè munus suum obire valeat. Habeatque pro salario annuo scuta auri tricenta in singulos quattuor menses ex ærario publico eroganda; vltra habitationem, & alia commoda præeminentias & immunitates per suos antecessores percipi solitas, & consuetas, durabit eius munus triennio; Eligetur, & findicabitur non aliter ac Rotæ Criminalis Auditores, sciatque nihil magis muneri suo conuenire, quam processuum, & causarum celerem expeditionem instare; omnique studio & diligentia curare, vt rei debitas delictorum pænas luant. Aduertet insuper & inuigilabit, ne fiscus in mulctis & condemnationibus pecunia-